

漢名臣傳

六下



內閣文庫			
函	冊	號	類
三	一	二	漢
四	〇	三	書
架	五	〇	

內閣文庫			
番號	漢	2305	
冊數	160 (108)		
函號	290	43	



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



非藏

天恩另簡賢能補授吏部尚書使臣落職
罪効力郊圻窮思畢精以贖愆過庶心稍安
而分可蓋疏人得

旨如前尋

論大學士等曰李光地居官有何可議惟常

為門生所託或其人口講道學彼即信之夫

道學豈易言哉若徒托之空言而無實事則

何益之有八月御史呂履恒劾奏光地於秋

審之事任意斷決

漢名臣傳卷六

六

上以光地依律擬非任意斷決
命發還呂履恒奏時給事中王原又劾奏文
選司郎中陳汝弼因光地舉荐由刑部調吏
部初猶矯飾顧名近則專擅恣縱有婪賍情
弊下都察院察議革汝弼職交刑部鞠訊刑
部定讞計賍論絞

上曰人有薦陳汝弼之賢能者故朕簡于衆
郎中內特授選司郎中如受賄是實卽置之
于法以爲衆戒若未經受賄則應寬之令再

審尋覆奏受賄有據應立絞

上察知供証非實下議政大臣九卿等確核
得刑訊選人逼供行賄狀

命免陳汝弼罪原審諸臣革降有差王原以
有囑托私書爲汝弼舉首革職四十四年六
月光地疏劾革職雲南布政司張霖假稱奉
旨販賣私鹽得銀百六十餘萬兩得

旨卽令光地審擬霖論斬家產入官十一月
諭吏部曰李光地居官甚好才品俱優授尙

書年久着陞爲文淵閣大學士調河南巡撫
趙宏燮爲直隸巡撫四十七年十一月

上以廢皇太子允礽狂疾漸愈欲復立之

命諸大臣集議保奏尙書王鴻緒附和內大
臣阿靈阿等保奏皇八子允禩

上切責之

諭詢李光地曰前召爾入內曾有陳奏今日
何無一言光地奏前者

皇上問臣廢皇太子病如何醫治方可全好

臣會奏言徐徐調治天下之福臣未嘗有告

諸臣也四十八年充會試正考官四十九年

九月太原揔兵馬見伯請

御選武經七書頒行

上曰武經七書朕俱閱過其書甚難所言火

攻水戰皆是虛文若依其言行之斷無勝理

且有符咒占驗風雲等說適足啟小人邪心

今日若欲另纂一書而此時又非修武書之

時光地奏云令習武者讀左傳卽佳

上曰左傳浮誇昔人會議之不若于武經內
書內分別出題並以論語孟子一併出題也
五十二年三月

賜千叟宴于

楊春園光地得

優賚五十四年六月疏言臣前以瘡毒發體
乞休奉

諭以內閣老臣彫零令臣勉加調攝藥餌食
物

賜賚頗仍枯株敗枿復得更生

萬壽節後臣復申前請又因

垂念理學緒微經書說雜

特加刪輯以惠萬世

御纂朱子全書繼以羣經性理諸編皆煩

聖心裁定臣所承修係易經性理猥以淺劣

末學二三年間荷

皇上殷勤指誨字酌句義縷晰毫分每一經

校正能使愚蒙頓開臣上幸先聖前賢之復

光下喜暮年餘生之有覺是以黽勉從事忘
疾病之在身知其有重于區區之軀命者而
不敢自愛也今稟承
筆削二書將次告成俯念臣年七十有四古
人懸車于數已過而且痼疾纏綿每奏對多
失儀節
聖主哀矜徃徃令人扶掖而臣何敢自安子
又臣父歿于闕亂之時窆封淺土臣母之歿
因臣在京守制久未合祔十餘年來臣長子

臣妻臣媳相繼淪喪臣孫幼小未能襄事臣
以草霜風燭之齡前期不能自料誠恐臣身
已極于寵耀而泉下未逮乎哀榮烏犢私情
難免悽惻故敢瀆懇
允臣休致庶微臣得遵止足之戒而稍盡骨
肉之恩伏念人生所難值者太平之世所難
逢者堯舜之君臣身受
特達之知心迹無間日聆
至精之論道法親承則千百年來未有如臣

之幸者臣聞父老扶杖以觀化葵藿傾葉以
向陽臣之遭時如此受
恩如此其樂觀熙皞而傾心
聖明會是野人園花之不如乎抱誠結恋雖
夤寐不敢忘
君寔不獲已而引年求退伏乞
聖主哀而諒之疏入得
旨卿才品優長文學素裕寬宏休容得大臣
之體自簡任機務以來恪共清慎益著勤勞

今雖以老病乞休朕眷注方殷何忍允其所
請正資倚毗共樂昇平奈泉壤骨肉之分亦
係一生之要事暫給假二年事完卽來京辦
事以副朕篤念老臣至意又
賜以詩有協恭惟得老成儒味道經書翊廟
謨之句五十四年四月至京奉
命勘闕大學士王掾等所纂春秋傳說及檢
討張照等所輯篆字經文五十七年正月內
閣議上

孝惠章皇后尊諡疏中未書

章皇后部議降三級調用得

旨寬免五月卒于官年七十有七是時

上駐蹕熱河

諭閣臣曰李光地屢經求退其奏摺已呈覽
數次因大學士王掇患病告假故暫止其奏
俟王掇到閣時令其具本奏請並非李光地
貪恋官職而借以爲名也前摺衷心畢露甚
是詳明今覽遺本因陡染重疾辭不達意深

可憫悼遣恒親王允祺率內大臣侍衛往奠
茶酒給銀一千兩令工部尙書徐元夢護其
喪

諭部臣曰李光地久任講幄簡任綸扉謹慎
清勤始終如一且學問淵博研究經籍講求
象數虛心請益知之最真無有如朕者知朕
亦無有過于李光地者倚任方殷忽聞患病
溘逝朕心深爲軫惻所有應得卹典該部察
例具奏

賜祭葬如典禮諡曰文貞
世宗憲皇帝雍正元年追卹
聖祖朝宣力効忠大臣贈光地太子太傅十
年入祀賢良祠

湯右曾列傳

湯右曾浙江仁和人康熙二十七年進士改
庶吉士授編修三十五年充貴州鄉試正考
官三十九年四月揀選編修檢討爲科道右
曾與焉遂授刑科給事中十二月兩廣總督

石琳奏瓊州生黎出犯寶停營傷害兵丁由
文武各員婪索起釁

上命侍郎凱音布學士邵希穆往勘右曾因
疏言臣閱揭帖有瓊州文武官遣人往黎崗
採取花梨沉香滋擾起釁多欸總督石琳巡
撫蕭永藻提督殷化行平時毫不覺察恣其
貪毒且黎人拒開事起于上年十二月遲至
一載始行題報其扶同掩飾希圖欺隱可知
若不嚴加處分恐效尤貽悞疏入得

漢名臣傳卷之六
旨令石琳蕭永藻殷化行回奏各自引罪下
部察議降級有差四十年正月右會疏言臣
昔在翰林曾充三館纂修官而在
政治典訓館爲最久伏見

皇上敬

天法

祖勤政愛民盛德大業備具此書內外大小
臣工咸有

天語叮嚀提撕警覺以至

國家禮樂兵刑典章制度下及民間日用飲
食纖悉周詳請

勅刊頒行天下又臣昔常分直

內廷幸獲仰窺

御製文集窮千聖之精微彙百家之體製上
闡道統下該治法盡善盡美亘古未有今儒
臣校對繕寫將竣祈

賜刊發以慰四海想望以垂萬世準則疏下
所司知之四十一年三月轉戶科掌印給事

中九月疏言伏讀

上諭制錢鑄小以來私鑄仍不止令九卿確議欲使錢法流通便民剔弊也旬日聚議大抵謂應改鑄大錢其舊鑄小錢二年之後槩行銷燬臣以爲改鑄大錢誠宜仰遵

聖諭若銷燬小錢民間必致驚擾大戶貯錢多者其苦無論矣小戶或一二十文以爲資本上養父母下畜妻子甚至肩挑負販之人不過四五百文終年衣食其中一旦廢置不

用則貧乏失所卽謂暫許行使一二年始行禁斷民間知二年之後此錢不用誰肯行使旣不行使失業必多至謂官照定價收作廢銅則錢價貴而銅價錢貴者忽變而爲賤貧民已恐苦累又况收受之際吏胥措勒奸弊叢生今戶工二部現有制錢八十四萬串有奇若銷燬則工料耗折甚多二年中鑄出新錢不過一百萬串有奇豈能遍及各省新錢無多而舊錢已燬奸民乘間圖利恐私鑄愈

繁錢法愈壞是乃萬萬不可者古者患錢重則改輕而仍不廢重爲子權母而行患錢輕則改重而亦不廢輕爲母權子而行今宜仿此遺意令新鑄重錢每串作銀一兩而舊鑄輕錢每串作銀七錢並聽行使積至歲月既久大錢流通則小錢自不行矣疏下九卿詹事科道會議照康熙二十三年定例每文重一錢四分如右會所請並行弗禁四十二年充會試副考官四十四年提督河南學政四

十七年九月河南巡撫汪灝疏述右會在任三年至公至明杜絕請托無論生童正案從不染指分毫卽告頂遊學亦未嘗稍存苟且至于敷教則寬嚴相濟取士則盡拔孤寒其清勤自勵之衷直能以

皇上之誥誠爲心跡下部知之會吏科以內陞外轉屆期請

詔予右會內陞尋疏言歲科兩試遍歷各郡陝州與葉縣舊爲中學各取進十二名今戶

口額賦倍于舊爲大學之信陽州內鄉縣請
改爲大學取進十五名疏下部議從之四十
八年陞奉天府丞四十九年遷光祿寺卿五
十年累轉太常寺卿通政使五十一年四月
授翰林院掌院學士充
日講起居注官五十二年四月充
經筵講官五月擢吏部右侍郎兼翰林院掌
院學士先後教習壬辰癸巳乙未戊戌辛丑
五科庶吉士六十年六月

諭九卿等曰湯右曾在九卿會議處頗多言
所薦之人亦過多著解退吏部侍郎其學問
尙優可專管翰林院掌院學士事十月疾劇
遣太醫診視六十年正月卒年六十有七
所著有懷清堂集

于成龍列傳

于成龍山西永寧人順治十八年由副榜貢
生授廣西羅城知縣

聖祖仁皇帝康熙六年總督盧興祖等言羅

城在深山之間猗猗頑悍成龍潔已愛民建
學宮創養濟院任事練達堪列卓異是年遷
四川合州知州八年遷湖廣黃州府同知十
三年二月擢武昌知府值逆藩吳三桂踞湖
南大兵將進征巡撫張朝珍檄成龍于咸寧
縣境造浮橋濟師甫成雨水衝激橋圯部議
革職時吳逆散布偽劄煽誘湖北州縣人民
麻城大治黃岡黃安各山寨皆叛應之朝珍
以成龍素為黃州人民信服令往麻城招撫

成龍單騎直入賊寨諭脅從者免罪賊眾遂
降復督兵擒斬大治賊黃金龍鄒君升等朝
珍疏言黃屬四十八寨接連數省舊為盜藪
伏莽易發必得成龍彈壓請復成龍職卽以
為黃州府知府

上允之成龍尋復率黃岡知縣李繼政于總
李茂昇等集鄉勇二千人偕營兵搜勦賊擊
潰賊眾于石子山及牧馬崖擒偽總兵鮑世
榮偽遊擊何士榮偽叅將陳正澈鄧少興等

十五年十月丁繼母憂總督蔡毓榮等奏令
在任守制十六年十月增設江防道于黃州
擢成龍任之十七年六月遷福建按察使十
八年九月巡撫吳興祚等言成龍執法決獄
不徇情面屢伸冤抑案牘無停不濫准一詞
不輕差一役而刁訟風息擾害樊除捐增監
獄口糧徧濟病囚醫葯倡贖被掠良民子女
數百口資給路費遣歸屏絕所屬饋送性甘
澹泊吏畏民懷爲閩省廉能第一疏入

旨于成龍清介自持才能素著允稱卓異是
月遷福建布政使十九年二月擢直隸巡撫
時直隸不設總督保定有守道管布政使事
有巡道管按察使事與通永霸昌大名口北
天津諸道各以所司之事達巡撫成龍旣蒞
任戒州縣私加火耗餽上官節禮尋據道府
揭報不職知縣劾罷數員而知縣有以道府
因無節禮誣揭捏報控訴成龍者九月成龍
疏言自督撫監司以及州縣上下名義不容

案越未消如直屬之逞訐上官體統倒置者
臣六月抵任檢結舊案如前撫臣金世德之
清慎明決而已故知縣施延寶夏顯煜侵欠
庫銀盈千累萬被劾後反訐告道府効尤成
風恬不知怪臣任事後以驅除貪吏拯救民
生爲務據道府揭報察其已甚者叅劾以示
懲創隨有知縣計告道府兩案皆遮拾往事
混肆污曠之言臣不由守巡兩道徑以驗文
封送似此悍藐將來道府必懷投鼠忌器之

嫌而隱忍養奸法紀頽靡如果道府不法而
撫臣姑容恣害應重罪撫臣若道府揭報屬
官而屬官反噬挾制應加嚴處分以肅法紀
疏下部確議督撫姑容不法道府降三級調
用屬官首告上司在上司揭報後者不准理
革其職已革職者刑部議罪定爲例十月疏
言宣府所屬東西二縣與懷安蔚州二衛有
水衝沙壓地千八百頃有奇小民包糧爲累
經前撫臣金世德具疏請豁部議令照舊征

收臣履任後勘明衝壓益甚耕耨無期窮黎
綿力幾何奚堪永遠包賠荒糧一日不除則
民生一日不遂雖目今師旅未息需餉尙殷
而滇黔餘孽指日蕩平此後軍需無虞不足
况合計四處荒地糧過三千餘石銀僅一
千餘兩在
國計爲涓滴之捐而數千餘戶貧民得免包
賠皆頂戴
皇仁矣跪下部議令確勘取結自二十年始

審免錢糧十二月疏言宣府所屬東西兩城
及萬全左右前衛懷安尉州保安紫溝西陽
等處俱報夏災又被秋災已奉
恩旨分別緩征並平糶積貯糧石近據通判
陳天棟報陳東西二城二十餘日間飢死者
不下數十人城坊鬧市日有偃仆窮民伏思
平糶糧石止救稍能措糶之民而不能救囊
無一錢殍卧待斃之民卽再疏請賑候部議
覆奉

旨允行亦須一月此一月之內民之飢死者
又不知凡幾矣臣仰體

皇上惠愛元元至意委保定府同知何如玉
等馳赴東西二城及前衛懷安等處動支平
糶倉糧確察飢困不能謀生窮民每口賑給
二斗俾少延月餘其善後之舉容臣與守道
等酌議另行題請疏入下部議尋奉

詔卽以平糶米石賑濟十二月疏劾青縣知
縣趙履謙征額賦銀一萬餘兩多收火耗三

千餘兩領庫銀一錢賑濟侵蝕入已及勒索
報災冊費等欸請革職治罪二十年正月入
覲

諭曰爾爲今時清官第一殊屬難得聞爾昔
在黃州土賊嘯聚爾往招之卽時投順解散
何以致之成龍奏曰臣惟宣布

皇上威德未有他能

上問屬吏亦有清廉者否成龍以知縣謝錫
衮同知何如玉羅京對

上曰尔前所劾知縣趙履謙甚當成龍奏曰
趙履謙過而不改臣不得已而劾之
上曰爲政之道當知大体小聰小察不足爲
多且人貴始終一節尔其勉之尋
諭曰講官曰于成龍起家外吏卽以廉明著
聞游陟巡撫益勵清操凡在親戚交遊相請
託者槩行峻拒所屬人員並戚友間有餽遺
一介不取朕甚嘉之知其家計涼薄特賜內
帑銀一千兩朕親乘良馬一匹以示鼓勵尋

命戶部遣員外郎葉倫會同成龍賑濟宣府
各處飢民

詔蠲免本年額征積年帶征錢糧及房稅七
月成龍疏言宣府被災地方房稅已蒙
恩免征而真定府屬獲鹿井陘曲陽平山靈
壽五縣因夏旱二麥無收其房稅銀兩請緩
至來年下部議從之九月

詔曰朕巡行近畿至霸州見其田畝窪下多
遭水患小民生計無知何以供給正賦著察

明酌量蠲免成龍疏言霸州水淹地方先經
疏報勘明成災十分九分者一千五百四頃
有奇部覆照例免本年錢糧十之三計額征
銀六千三百八十兩有奇應蠲一千九百餘
兩今仰邀

睿照洞悉民困

特恩軫恤應將本年錢糧破格全蠲得

旨俞允又疏言直隸監司廳印等官求其與
盜案脫然無累得預陞轉之例者十不能三

四此案未獲彼案復增一案幸完數案未結
甚有一日而失盜之案數家經年累月攢眉
無策在州縣身任地方既不能消弭于未然
又不能緝獲于事後責無可諉降調允宜但
既降級去任接緝之官事不切已搜捕玩延
強盜反多漏網若議處降一級者仍畱原任
能獲一半以上開復原降之級于懲過之中
寓以勸勉必能悉力擒拏不致克徒倖免至
于薦舉卓異行取乃

卷六
朝廷超拔人才之典而亦督撫諸臣盡其以
人事

君之義每因一二案未完格于定例遠大之
器困于百里深爲可惜前見江寧撫臣慕天
顏以現有錢糧未完處分之知縣林象祖任
辰旦題請行取奉

特旨俞允仰身

皇上憐才之殷初未欲以成例限人直隸盜
案處分與江南錢糧相等非無品行卓越才

具優長如林任二令者應無論盜案之銷否
一體薦揚以備擢用其捕盜同知通判雖專
司督緝之任但所屬有十餘州縣及二三十
州縣者竟同各州縣一體處分似屬過甚武
職議處既有專汛兼轄統轄之等差則同知
通判亦當視兼轄武職例至督緝道員定例
罰俸之外停其陞轉臣思方面大吏或由京
官改授或由外吏陞任率多練達之才及其
年力精壯正可矢圖報効乃因督緝議處無

復進階之期更爲可惜在承緝官固應停其
陞轉限年緝獲而督緝者旣已罰俸似可免
其停陞疏下部議不准奉
諭曰朕巡視畿輔自山海關以西永平以東
一面傍海一面臨邊盜賊無地潛藏故剽劫
猶少至玉田豐潤遵化薊州霸州保定諸處
民居稠密盜賊所以繁也今處分之例太嚴
恐官民俱累其令九卿等詳議尋議承緝不
獲未及二年者免離任督緝道員限滿罰俸

免停陞十二月成龍疏言臣早年失恃繼母
李氏勤劬撫育臣初任知縣欲奉母之任而
力有不能及任黃州知府正值兵興終未遂
迎養之私尋聞母病故督撫諸臣題畱在任
守制由是抱哀供職馳驅軍旅之間而臣母
停柩在家不遑顧也今滇南逆孽蕩平我
皇上誕敷文德首扶楯綱常敦崇倫理臣謬
任巡撫代宣

聖化亦惟以綱常倫理教人際太平盛時非

漢名臣傳卷之
復從前多事若不歸葬是貪恋顯榮忘親背
義對屬臨民之際先自懷慙歉又何以教人
乎伏乞
允臣回籍葬母完此一生大事則犬馬餘年
皆圖報
聖恩之日疏入得
旨覽奏情辭懇切准假三個月回籍葬母事
竣速赴任供職越六日
特旨授江南江西總督前此因江西用兵分

設江西總督至是復併爲一二十一年正月
成龍疏言臣乞歸葬母奉有

欽定假期而新承

簡命未可久遲赴任謹循前年直隸守道護
理撫卹之例以守道董秉忠暫護直撫卹務
臣卽回籍葬母事畢赴新任再有陳者前歲
舉劾案內臣以直隸守道董秉忠阜城知縣
王燮荐舉去年遵

旨往宣府賑濟飢民以南路通判陳大棟荐

漢名臣傳卷六
舉王燮已准行取其董秉忠陳大棟均未予
註册而賢績已達

天聽此外柏鄉知縣邵嗣堯高陽知縣孫宏
業俱堪磨練通州知州于成龍具恬淡之性
優通變之才霸州州判衛濟賢凜清白之操
化浮囂之氣並堪大用茲值離任之際不敢
隱蔽特列名上陳以盡舉賢之悃疏入

報聞下吏部邵嗣堯等准註册六月疏言江
蘇現屆二年舉劾之期臣自四月任事虛衷

察訪屬員有立身以名節自勵而設施未洽
民情行已在清濁之間而舉動未授民祭蓋
賢非循卓之尤不賢非汚墨之甚恐舉之劾
之不足以爲未舉未劾者愧勵請暫停此次
舉劾其賢者臣獎進誘掖徐觀厥成特疏題
荐不賢者教誡以期自新倘怙惡不悛亦特
疏糾泰無稍姑容疏下所司知之是月江寧
知府缺出成龍請

救廷臣會推清操久著幹練成效與通州知

州于成龍霸州州判衛旣齊相類者吏部以
知府無會推例議上

上命卽以通州知州于成龍陞補江寧知府
十二月旣言臣自入瓊受事細事必出于躬
親勺水必凜于夙夜凡屬吏進見多方訓誨
隨事整飭察其所守之誠僞訪其敷政之寬
嚴亦莫不爭相濯磨矢志釐剔未幾而或以
盜案或以逋欠或以違限屢有處分今遇計
典悉與舉荐之例不符如江蘇布政使丁思

孔歷任既久忝罰因多旣不敢違例以入卓
異之列又不敢拘例以蹈蔽賢之愆現將入
覲乞

親賜諮訪破格擢用疏下吏部都察院以毋
庸議覆奏得

旨丁思孔准爲卓異旋卽擢任偏沅巡撫二
十二年十月督造漕船副都御史馬世濟還
京旣言總督于成龍向有聲譽初到江南美
名如故聞其自任中軍田萬侯之後人多

漢名臣傳卷六
三
怨言臣奉差在南見其年近古稀景迫桑榆
道路嘖嘖咸謂伯萬侯欺朦督臣倚勢作弊
因未有實據難以入告由督臣哀暮不能精
察故匪人得以播弄而敗善政且各有司衙
門皆有督臣穢言告示污蔑各官如果各官
不法何難白簡題叅若俱循良豈可憑空凌
辱顯係小人播弄督臣令其虛張声势就中
取利請罷黜田萬侯並令成龍休致疏下部
議部臣以馬世濟所言未有實據令成龍明

白回奏成龍奏臣到江南期以興利除害察
吏安民仰報

知過無奈兩江之吏治營務刑名錢穀繁劇
實甚臣晝夜拮据躬親料理從不敢寄耳目
于左右然近習難防或有窺伺欺弄臣亦安
能保其必無憲臣馬世濟疏稱中軍田萬侯
倚勢作弊臣實未之覺察也至于告示一節
或地方之利弊民生之疾苦臣有見聞卽通
行禁飭無非以利害禍福之言痛切告誡其

詞未免過于峻勵似涉穢言汚辱憲臣馬世
濟疏稱小人播弄令其虛張聲勢就中取利
臣亦未之覺察也此皆臣之衰邁昏曠何以
自解若夫臣之年近古稀景迫桑榆久在
皇上洞鑒之中雖殫精竭慮不敢稍自寬假
然氣衰力疲龍鍾之狀大非昔比臣又何敢
自諱乞
勅部嚴加議處以爲大臣溺職有初鮮終者
之戒疏下部察議兵部言成龍既稱田萬侯

倚勢作弊就中取利未之覺察應革田萬侯
副將職吏部言成龍既自稱景暹桑榆衰邁
昏曠應令其休致

上命成龍畱任田萬侯降調用二十三年三
月江蘇巡撫余國柱入爲左都御史安徽巡
撫涂國相陞任湖廣總督成龍兼署兩巡撫
事四月卒于官年六十有八

諭部予卹部臣以成龍曾降五級奏得

旨予開復祭葬如典禮諡曰清端七月內閣

學士錫任勘問海疆還

上問曰爾到江南聞原任總督于成龍居官如何錫任奏成龍居官甚清但因輕信或為屬員欺罔

上曰于成龍因在直隸居官甚善朕特簡任總督既到江南有人言其變更素行病故後知其始終廉潔甚為百姓所稱殆因素性梗直與之不合者挾仇讒害造作屬下欺罔等語是為不肖之徒所嫉耳居官如于成龍者

有幾十一月

上南巡至江寧

諭知府于成龍曰爾務效前任總督于成龍正直潔清乃無負朕優眷

回鑾

諭大學士等曰國家澄叙官方首重廉吏其治行最著者尤當優加異數以示褒揚原任江南江西總督于成龍操守端嚴始終如一朕巡幸江南延訪吏治博採輿評咸稱居官

日 占 同 日

漢名臣傳卷六終

清正實天下廉吏第一應從優褒卹為大小

臣工勸其詳議以聞

御製詩云服官敦廉隅抗志貴孤潔又云江

上見甘棠遺愛輿人說尋

允廷臣議加太子太保廕一子入監

世宗憲皇帝雍正十年入祀賢良祠孫準官

至江蘇巡撫別有傳

漢名臣傳卷六終

天保三

